

Incertidumbre grandi CASINO DI GOLDEN TULIP A CERA PORTA

Mas di 50 trahador a perde nan trabao

ORANJESTAD(AAN) -- Ayera casino di Golden Tulip a cera su portanan.

DIARIO a drenta den contacto cu Anselmo Pontilius, kende a indica cu esaki ta un situacion sumamente dificil y fastioso.

Manera ta conoci, siman pasa Ministro Briesen a hiba conversacion cu Churchill cu ta maneha e casino, kendenan a duna di conoce cu nan kier cumpra e casino.

Pontilius a enfatisa cu awor e compra a keda na aroz con coco ya cu e casino a cera su portanan.

E ciere aki ta trece un incertidumbre grandi pa e trahadornan ya cu nan no tin trabao mas.

Ayeratardi Pontilius a keda di reuni cu Peter Wilton kende ta encarga cu e casino y despues Promer Ministro Oduber.

Pa loke ta trata e situacion di e hotel mes, Pontilius a indica cu e no ta cos di gaba. Ta asina cu Golden Tulip kier mantene su prijs pa camber mientras cu e otro hotelnan a baha prijs.

Mirando e hecho cu ya Gobierno a paga mas o menos 21 Mion Florin di e 40 Mion cu tin cu paga pa e renovacion y ampliacion di e cambarnan di Golden Tulip, Pontilius ta di opinion cu no mester bende e hotel awe sino ayera caba.